



P R O P O Z I C I J E

TAKMIČENJA OMLADINSKE LIGE PRETPIONIRA, PIONIRA I KADETA
NS UNSKO-SANSKOG KANTONA ZA TAKMIČARSKU 2018/2019 godinu

PROPozICIJE

TAKMIČENJA OMLADINSKE LIGE PRETPIONIRA /U13/ I PIONIRA /U15/ I KADETA /U17/ NS UNSKO-SANSKOG KANTONA ZA TAKMIČARSKU 2018/2019 godinu

OPŠTE ODREDBE

Član 1.

Ovim propozicijama utvrđuje se način organiziranja i provođenja takmičenja u Omladinskoj ligi NS USK-a u kategoriji pretpionira, pionira i kadeta u takmičarskoj 2018/2019 godini.

Član 2.

Omladinsko prvenstvo pretpionira (U13) i pionira (U15) Nogometnog saveza Unsko-Sanskog kantona za takmičarsku 2018/2019 odvijaće se u okviru Omladinske lige Unsko-Sanskog kantona podijeljene u dvije (2) grupe : grupa "I" i grupa "II" i Omladinske lige kadeta (U17) kao jedinstvene.

Grupu "I" sačinjavaju klubovi iz Općina: Bihać, Bos.Petrovac, Ključ, Sanski Most,

Grupu "II" sačinjavaju klubovi iz Općina: Cazin, Bos.Krupa, Bužim, Vel.Kladuša

Član 3.

Takmičenje se organizuje u formi jedinstvene lige pretpionira i pionira, podijeljene u dvije grupe, po kriteriju geografske povezanosti i ekonomske opravdanosti i jedinstvene kadetske lige.

U takmičenju obavezno učestvuju pretpionirske, pionirske i kadetske ekipe klubova NS USK-a , Druge lige F BiH -Grupa "Zapad" i Prve lige F BiH.

Klubovi Kantonalne lige USK-a pored seniora,moraju obavezno imati u sistemu takmičenja minimalno dvije (2) selekcije (ovisno o kategorijama koje imaju : Pretpioniri, Pioniri i Kadeti), a mogu prijaviti i sve tri kategorije.

Skole nogometa/fudbala USK-a obavezno moraju imati u sistemu takmičenju minimalno dvije (2) selekcije (ovisno o kategorijama koje imaju : Pretpioniri, Pioniri i Kadeti), a mogu prijaviti i sve kategorije.

Klubovi Prve lige F BiH pored seniora,u cijelom toku takmičarske sezone u stalnim takmičenjima moraju imati uključene četiri (4) omladinske selekcije,što se odnosi na selekcije Pretpionira U-13, Pionira U-15 , Kadeta U-17 i Juniora U-19, od kojih juniori i kadeti moraju u cijelom toku takmičarske sezone igrati u Omladinskoj ligi BiH- grupa Zapad koji vode NS FBiH i FS RS, dok selekcije Pionira U-15 i Pretpionira U-13 moraju u toku cijele takmičarske sezone igrati u Omladinskim ligama kantona.

Klubovi Druge lige F BiH pored seniora,u cijelom toku takmičarske sezone u stalnim takmičenjima moraju imati uključene tri (3) omladinske selekcije koje se moraju takmičiti u ligama NS F BiH i NS USK-a.

Klub koji u toku takmičarske sezone u Omladinskim ligama NS USK-a sa nekom od selekcija odustane od takmičenja ili shodno odredbama DP NS/FS BiH bude isključen iz takmičenja snosit će disciplinske sankcije shodno odredbama Disciplinskog pravilnika NS/FS BiH.

Takmičenje pretpionira i pionira se organizuje po dvostrukom bod sistemu,a prema usaglašenom kalendaru takmičenja.

Član 4.

Grupu „ I ” Pretpioniri igraju klubovi iz *općina Bihać, Bosanski Petrovac,Ključ, Sanski Most i to slijedeći klubovi:*

1. **OFK"Bihać",**
2. **NK"MLadost 38",**
3. **NK"Borac",**
4. **NK"Bajer 99",**
5. **NK"Ključ",**
6. **NK"Omladinac"S",**
7. **NK"Omladinac 75",**
8. **NK"Jedinstvo",**
9. **NK"Podgrmeč",**

10. NK "Brekovica 78",

11. NK "Rudar",

12. NK "Kamenica"

Sve ukupno 12 Pretpionirskih klubova u grupi "I".

Grupu „ I ” Pioniri igraju klubovi iz općina *Bihać, Bosanski Petrovac, Ključ, Sanski Most* i to slijedeći klubovi:

1. OFK "Bihać",

2. NK "Mladost 38",

3. NK "Borac",

4. NK "Bajer 99",

5. NK "Ključ",

6. NK "Omladinac "S",

7. NK "Omladinac 75"

8. NK "Jedinstvo",

9. NK "Podgrmeč",

10. NK "Brekovica 78",

11. NK "Rudar",

12. NK "Kamenica"

Sve ukupno 12 Pionirskih klubova u grupi "I".

Grupu „ II “Pretpioniri igraju klubovi iz općina *Cazin, Bužim, Bosansaska Krupa – Otoka, Velika Kladuša* i to slijedeći klubovi:

1. NK "Ćoralići",

2. FC "Abc",

3. NK "Vitez",

4. NK "Željezničar"

5. NK "Mladost "V",

6. NK "Krajišnik",

7. NK "Mladost "P",

8. OFŠ "Krajina"

9. GNK "Bratstvo",

10. NK "Gomila"

Sve ukupno 10 Pretpionirskih klubova u grupi "II".

Grupu „ II “Pioniri igraju klubovi iz općina *Cazin, Bužim, Bosanska Krupa – Otoka, Velika Kladuša* i to slijedeći klubovi:

1. NK "Ćoralići",

2. FC "Abc",

3. NK "Vitez",

4. NK "Mladost "V",

5. NK "Krajišnik",

6. OFŠ "Krajina",

7. GNK "Bratstvo",

8. NK "Sloga" B.Otoka,

9. NK "Gomila"

Sve ukupno 9 Pionirskih klubova u grupi "II".

Jedinstvenu Omladinsku ligu **Kadeta** sačinjavaju ekipe po prijavama iz USK-a i to slijedeće ekipe:

1. FC "Abc"

2. NK "Željezničar"

3. NK "Ćoralići"

4. OFK "Bihać"

5. NK "Mladost "Vrnograč"

6. NK "Krajišnik"

7. NK "Borac"

8. NK "Mladost "Polje"

9. GNK "Bratstvo"

10. NK "Brekovica 78"

Sve ukupno 10 Kadetskih klubova.

Takmičenje se organizuje po dvostrukom bod sistemu.

UKOVOĐENJE TAKMIČENJEM

Član 5.

Takmičenjem u Omladinskoj ligi Unsko-Sanskog kantona rukovodi Izvršni odbor NS USK-a putem imenovanih komesara za takmičenje. Kontrolu rada takmičarskih organa Nogometne lige NS USK-a vrše nadležne komisije i to: Komsija za takmičenje NS USK-a, Komisija za suce i suđenje NS USK-a i Disciplinska komisija NS USK-a, koje po potrebi održavaju sastanke sa takmičarskim organima Nogometne lige USK-a, vrše analizu takmičenja i suđenja Omladinske lige kantona, vrše verifikaciju listi uspješnosti, te učestvuju u organizaciji, edukaciji i provođenju seminara Nogometne lige USK-a.

Član 6.

Takmičenje u Nogometnoj ligi kantona administrativno se vodi kroz COMET informacioni sistem. Na stadionu treba biti posebna prostorija za sastavljanje zapisnika. Na stadionima klubova za utakmice Omladinske lige u službenom prostoru za zapisnik, klub domaćin treba da obezbijedi:
-ispravan kompjuter sa štampačem i ispravnom internet konekcijom za potrebe COMET informacionog sistema,
-ispravnu telefonsku liniju i telefaks.

Član 7.

Po završetku prvenstvenog takmičenja po grupama "I" i "II" u završnicu za dobijanja prvaka NS USK-a u kategoriji pretpionira i pionira učestvuju prvoplasirane ekipe iz grupa, koje igraju Finalnu jednu utakmicu za Prvaka u kategoriji Pretpionira i Pionira.

Finalne utakmice za dobijanje Prvaka u kategoriji Pretpionira i Pionira odigraće se na terenu kojeg odredi svojom odlukom Izvršni odbor NS USK-a.

Pobjednici u kategoriji pretpionira i pionira stiču pravo takmičenja u završnom dijelu takmičenja na razini NS F BiH za takmičarsku 2018/2019 godinu.

RASPORED I TRAJANJE UTAKMICA:

Član 8.

Raspored utakmica određuje se žrijebom koji se obavlja prije početka prvenstva. Pionirske i pretpionirske ekipe igraju utakmice u istom danu i u istom mjestu. Klubovi su obavezni u roku od 30 dana prije prvenstva dostaviti podatke o mjestu (stadionu) odigravanja utakmica na kojima su domaćini.

Kadetska liga igra se odvojeno po žrijebu koji se obavlja prije početka prvenstva.

Utakmice pionirske lige igraju se 2x30 minuta, a utakmice pretpionirske lige igraju se 2x25 minuta.

Odmor traje od 10 do 15 minuta, s tim da pretpioniri igraju predigru pionirima, odnosno dva(2) sata prije zakazane utakmice pionira.

Kadetska liga igra se 2x40 minuta, a odmor u poluvremenu utakmice traje 10-15 minuta .

SUDIJE I DELEGATI:

Član 9.

Nadležni organi određuju sudije i delegate sa liste sudija i delegata Nogometne i Omladinske lige Kantona i po potrebi Druge lige i Prve lige FBiH vodeći računa o udaljenosti mjesta odigravanja utakmice i troškovima službenih lica.

Službenim licima pripadaju sljedeće naknade:

Za obavljanje službene dužnosti delegata, sudije i sudije asistenta na utakmicama Omladinske lige Kantona po nalogu NS USK-a, za obe utakmice, **utvrđuju se ukupni troškovi od 90 KM**, te pravo naplata **troškovi prevoza u iznosu od 40,00 KM za udaljenost preko 20(dvadeset) kilometara u jednom pravcu a za udaljenost ispod 20 kilometara u jednom pravcu isplaćuje se 20 KM.**

Isplaćuje se jedan putni trošak za sva službena lica tj. najduža relacija u kilometrima odakle dolazi jedno od službenih lica utakmice.

Službenu dužnost na utakmicama Predpionira obavlja Delegat utakmice i jedan sudac (glavni sudac utakmice).

Glavnom Sucu i Delegatu utakmice naprijed navedeni troškovi isplaćuju se na slijedeći način.

Taksa za službena lica utakmice iznosi :

Utakmica Pretpionira

- delegat utakmice..... 17,50 KM+ 5KM
za dopunu stika sa internetom ako mu domaćin ne obezbjedi internet konekciju za obe utakmice
- glavni sudija utakmice..... 17,50 KM

Sucima utakmice i Delegatu utakmice naprijed navedeni troškovi isplaćuju se na slijedeći način.

Utakmica Pionira

- delegat utakmice.....17,50 KM+ 5KM
za dopunu stika sa internetom ako mu domaćin ne obezbjedi internet konekciju za obe utakmice.
- glavni sudija utakmice..... 17,50 KM
- A-1 sudija utakmice..... 12,50 KM
- A-2 sudija utakmice..... 12,50 KM

Sucima utakmice i Delegatu utakmice naprijed navedeni troškovi isplaćuju se na slijedeći način.

Taksa za službena lica kadetske lige iznosi 60,00 KM :

- delegat utakmice.....17,50 KM+ 3KM
za dopunu stika sa internetom ako mu domaćin ne obezbjedi internet konekciju.
- glavni sudija utakmice..... 17,50 KM
- A-1 sudija utakmice..... 12,50 KM
- A-2 sudija utakmice..... 12,50 KM

Troškovi se isplaćuju odmah nakon utakmice.

Klub koji ni 48 sati nakon odigrane utakmice ne izvrši isplatu pripadajućih troškova službenih lica, automatski je suspendovan i sve do izmirenja finansijske obaveze ne može igrati zvanične utakmice.

Klubovi koji uplatu troškova utakmice vrše putem žiro računa, dužni su troškove uplatiti svakoj službenoj osobi pojedinačno na njihove tekuće žiro račune ,u roku od 48 sati po odigranoj utakmici.

Ukoliko klub ne isplati službena lica ili ih djelomično isplati, dužan je iste uplatiti najkasnije do naredne utakmice, te su dokaz o uplati dužni dati na uvid delegatu na prvoj narednoj prvenstvenoj ili kup utakmici.

U slučaju da utakmica nije odigrana iz razloga za koji službena lica ne snose krivicu, a doputovali su u mjesto odigravanja i na stadion ,pripadaju im putni troškovi a delegatu i taksa, shodno odluci IO NS USK-a.

Član 10.

Delegat utakmice Omladinske lige kantona zapisnik i izvještaj sa utakmice dostavlja kroz COMET sistem. Po završetku utakmice zapisnik sa utakmice sastavljen putem COMET informacionog sistema, savjetavaju delegat i sudac, nakon čega delegat zaključuje izvještaj fair-playa, a sudac utakmice svojom šifrom zaključuje zapisnik sa utakmice najkasnije 1 sat nakon odigrane utakmice.

Delegat utakmice je obavezan u roku od 24 sata po odigranoj utakmici ili najkasnije prvi radni dan do 11:00 sati, u COMET informacionom sistemu zaključiti delegatski izvještaj.

IGRALIŠTE :

Član 11.

Utakmice Omladinske lige NS USK-a pionira, pretpionira i kadeta igraju se na glavnim terenima klubova ili na travnatim igralištima, koja u svemu moraju odgovarati propisima Pravila nogometne igre i Pravilnika o nogometnim natjecanjima NS/FS BiH uz odobrenje nadležnog organa NS USK-a. Stadion mora imati obezbijeđene svlačionice (za domaću i gostujuću ekipu), sa posebnom svlačionicom za sudije, prostorijom za sastavljanje zapisnika, kao i kabinama za rezervne igrače i stručna rukovodstva i posebnom kabinom za delegate

ORGANIZACIJA UTAKMICA:

Član 12.

Mjere obezbjeđenja

Organizaciju utakmica vrše klubovi domaćini, koji su obavezni obezbijediti sve uslove u skladu sa važećim propisima. Klub domaćin je obavezan poduzeti sve potrebne mjere za sigurnost sudaca, delegata i gostujućeg tima, za vrijeme odigravanja utakmice i sve do napuštanja igrališta-stadiona odgovarajućim prevoznim sredstvom.

Zastave

Klub domaćin obavezan je na jarbole postaviti Državnu zastavu BiH, zastavu NS/FS BiH i zastavu NS USK-a. Na jarbolima mogu biti entitetske zastave, zastave kantona/županija, klupske zastave i zastave fair-playa. Postavljanje drugih zastava nije dozvoljeno. Istaknute zastave trebaju biti istih dimenzija.

Medicinska služba

Klub domaćin obavezan je na svim utakmicama osigurati ljekarsku službu i dežurno sanitetsko vozilo sa osobljem i nosilima (može se koristiti adekvatno osobno vozilo, kombi ili auto sa četvoro vrata/, koje mora biti uz igralište i u slučaju potrebe obaviti prijevoz do zdravstvene ustanove. Ukoliko vozilo prve pomoći ne dođu na igralište do početka utakmice, ista neće započeti sve dok klub ne osigura prikladno i obilježeno osobno vozilo kojim će se, u slučaju potrebe, ozlijeđeni prevesti do najbliže zdravstvene ustanove.

Klub domaćin dužan je da osigura za cijelo vrijeme trajanja utakmica pretpionira, pionira i kadeta prisustvo dežurnog licenciranog ljekara ili fizioterapeuta sa odgovarajućom medicinskom opremom.

Ako na utakmici nema dežurnog licenciranog ljekara ili fizioterapeuta sa odgovarajućom medicinskom opremom, delegat utakmice neće dozvoliti odigravanje utakmice.

Osiguranje utakmice

Klub domaćin obavezan je izvršiti najavu utakmice kod nadležne policijske uprave i zatražiti policijsko obezbjeđenje te se blagovremeno pobrinuti da na utakmicama pionira i pretpionira budu prisutni pripadnici policije, a ukoliko iz određenih razloga nisu prisutni pripadnici policije utakmica se može, uz saglasnost oba kluba odigrati i bez njihovog prisustva, uz uslov da je od MUP-a pismeno zatraženo njihovo prisustvo, da je prisutan dovoljan broj redara i komesar za bezbjednost licenciran od strane Nogometnog saveza.

Klub domaćin obavezan je osigurati redarsku službu sa komesarom za bezbjednost.

Klub domaćin obavezan je osigurati dovoljan broj skupljača lopti propisno odjevenih.

Utakmica se neće igrati bez prisustva pripadnika policije – mora postojati najava utakmice kod nadležne policijske uprave i postignuta saglasnost oba kluba, sanitetskog vozila i licenciranog medicinskog ljekara ili fizioterapeuta, organizovane redarske službe. U slučaju neispunjavanja prethodno navedenih uslova iz takmičenja, sve posljedice snosi klub domaćin.

Lopte za igru

Za odigravanje prvenstvenih utakmica domaćin je dužan osigurati najmanje tri lopte za svaku od utakmica, a u slučaju da na igralištu nema dovoljan broj skupljača lopti, domaćin je obavezan obezbijediti šest lopti. **Za Pretpionirsku ligu klub je obavezan obezbijediti lopte broj 4 (četvorke).**

Odgovornost kluba domaćina

Klubovi su odgovorni za ponašanje svojih igrača, službenih osoba, članova, navijača i svake druge osobe koja obavlja dužnost na utakmici u ime kluba.

Za propuste u organizaciji utakmice klubovi će snositi takmičarske i disciplinske posljedice prema važećim propisima NS FBiH i NS/FS BiH.

PROMJENA TERMINA UTAKMICA:

Član 13.

Promjena termina odigravanja utakmice može se vršiti na osnovu podnesenog pismenog zahtjeva zainteresiranog kluba, koji mora biti podnesen komesaru za takmičenje, najkasnije osam (8) dana prije utvrđenog termina odigravanja utakmice, a koji u sebi sadrži razlog zbog kojeg se traži promjena termina utakmice s priloženom dokumentacijom iz koje se može utvrditi opravdanost podnesenog zahtjeva sa eventualnim prijedlogom za novi termin odigravanja utakmice.

U slučaju kada zahtjev za promjenu termina nije podnesen u skladu sa prethodnim stavom, komesar za takmičenje može promijeniti termin utakmice samo ukoliko je klub koji traži promjenu termina dostavio i pismenu saglasnost drugog kluba, što je moguće najkasnije tri (3) dana prije utvrđenog termina utakmice. Kada se utakmica odlaže zbog bolesti igrača (trovanja i slično), to se može učiniti ukoliko je bolesno najmanje 7 (sedam) standardnih igrača (igrači koji su odigrali najmanje 70% utakmica) u toku tekućeg jesenjeg ili proljetnog dijela prvenstva.

Kada komesar za takmičenje dobije pismeni zahtjev kluba za odgodu utakmice zbog bolesti igrača sa kompletnom validnom medicinskom dokumentacijom iz odgovarajuće medicinske ustanove (uredan, čitljiv i tiskan elektronski nalaz nadležnog specijaliste, dijagnoza, mišljenje o dužini bolovanja i sl.), donijet će odluku o odgodi utakmice.

Kada je došlo promjene termina utakmice, komesar za takmičenje će donijeti odluku da se ona odigra u prvom slobodnom terminu (ako su prestali razlozi zbog koje je utakmica odgođena), pod uslovom da svaki klub ima najmanje dva slobodna dana između odigravanja dvije utakmice.

IGRAČI I TIMOVI:

Član 14.

Klub je obavezan za pionirski i za pretpionirski tim u NS USK-a 15 dana prije početka prvenstva dostaviti spisak igrača, a potrebno je da svaki pionirski i pretpionirski tim prije početka prvenstva ima najmanje 18 prijavljenih u NS USK-a i uredno registriranih igrača.

Klub je obavezan na svakoj utakmici nastupiti sa dva tima: pionirima i pretpionirima. Nenastupanje sa jednim od navedenih timova, tretirat će se kao da klub nije nastupio u tom kolu, sa predviđenom odgovornošću kluba i isključenja iz takmičenja u slučaju nenastupanja na tri utakmice shodno odredbama Pravilnika o nogomentim takmičenjima NS/FS BiH.

U slučaju neopravdanog nenastupanja na utakmici klub će snositi takmičarske i disciplinske posljedice u skladu sa odredbama Pravilnika o nogomentim takmičenjima i Disciplinskog pravilnika.

PRAVO NASTUPA I ZAMJENE IGRAČA:

Član 15.

Pravo nastupa na utakmicama Predpionirske lige u takmičarskoj 2018/2019 godini imaju igrači rođeni **01.01.2006.** godine i mlađi i curice isto godište i godinu dana starije.

Pravo nastupa na utakmicama Pionirske lige u takmičarskoj 2018/2019 godini imaju igrači rođeni **01.01.2004.** godine i mlađi i curice isto godište i godinu dana starije.

Pravo nastupa na utakmicama Kadetske lige u takmičarskoj 2018/2019 godini imaju igrači rođeni **01.01.2002.** godine i mlađi.

Izuzetno mogu nastupiti i igrači koji su mlađi od naznačenih godina, ukoliko su na osnovu specijalnog ljekarskog pregleda proglašeni sposobnim za nastupe na tim utakmicama, pod uslovom da je to i uvedeno u igračkoj legitimaciji.

Tokom utakmice pretpionira i pionira može se izvršiti zamjena najviše sedam igrača, a kod kadeta najviše pet igrača.

Na utakmici može nastupiti samo igrač sa validnim ljekarskim pregledom koji je upisan u igračku legitimaciju, sa validnim datumom, pečatom zdravstvene ustanove i ljekara.

Ljekarski pregled važi četiri mjeseca.

Izuzetno, igrač može nastupiti sa potvrdom o izvršenom ljekarskom pregledu ali samo za tu utakmicu.

Delegat igraču bez validnog ljekarskog pregleda neće dozvoliti da nastupi.

IDENTITET IGRAČA:

Član 16.

Identitet igrača utvrđuje se na osnovu sportske legitimacije NS/FS BiH ili ličnih isprava (lična karta, pasoš). U slučaju utvrđivanja identiteta putem ličnih isprava, delegat je u prvu stranu zapisnika obavezan upisati broj lične karte ili pasoša.

Delegat je obavezan prije početka svake utakmice izvršiti identifikaciju igrača na način što će izvršiti upoređivanje fotografije na igračkoj legitimaciji, sa likom igrača, kao i broj dresa sa zapisnikom utakmice.

Ukoliko se identitet utvrđuje na osnovu ličnih isprava, a protivnički klub najavi žalbu, klub je obavezan komesaru za takmičenje dostaviti sportsku legitimaciju u roku od 48 sati po odigranoj utakmici.

Član 17.

Klubovi su obavezni voditi evidenciju opomenutih igrača, te evidenciju isključenih igrača te po potrebi tačnost evidencije provjeriti u Sekretarijatu za takmičenje. U slučaju nastupa igrača pod suspenzijom,

takmičarske posljedice će snositi klub, a prema odredbama DP NS/FS BiH, posljedice će snositi klub, igrač i službena osoba kluba koja je suspendovanog igrača stavila u tim.

SLUŽBENE OSOBE KLUBA (TRENERI I DR.):

Član 18.

Svaki klub na utakmicama pionira i pretpionira mora obavezno imati akreditiranog službenog predstavnika.

Klub je obavezan da u skladu sa normativima vaspitno-pedagoškog rada i obavezama iz takmičenja, na svakoj utakmici ima dva trenera. Od toga je jedan trener pionirskog tima uz obavezu da se stara o igračima-pionirima, a drugi trener pretpionirskog tima.

Treneri su obavezni da posjeduju Trenersku takmičarsku akreditaciju Centra za edukaciju kadrova NS/FS BiH, sa odgovarajućim datumom validnosti.

Klub domaćin mora imati akreditiranog ljekara ili minimum fizioterapeuta.

Delegat je obavezan prije početka svake utakmice izvršiti identifikaciju u zapisnik prijavljenih službenih osoba kluba (predstavnik kluba, trener, ljekar, fizioterapeut i komesar za bezbjednost) na način što će izvršiti upoređivanje fotografije na akreditaciji, sa likom osobe.

Delegat neće dozvoliti obavljanje dužnosti službenoj osobi (predstavnik kluba, trener, ljekar, fizioterapeut i komesar za bezbjednost) koja nema validnu akreditaciju.

Sve službene osobe obavezni su tokom cijele utakmice imati vidno istaknutu takmičarsku akreditaciju.

Klub koji se nije odazvao seminaru akreditiranja službenih lica klubova Kantonalne i omladinske lige:

- Službeni predstavnik(2 slike, kopija lične karte, popunjen upitnik),
- Komesar za bezbjednost(2 slike, kopija lične karte, popunjen upitnik),
- Fizioterapeut(2 slike, kopija diplome medicinske škole ili medicinskog tehničara, popunjen upitnik),
- Doktor (2 slike, kopija diplome medicinskog fakulteta, popunjen upitnik),

mogu svoje Akreditacije podići svakim radnim danom ponedjeljak-petak u kancelariji NS USK-a.

Klubovi koji ne budu imali akreditacije a uredno su pozvani na seminar i obavješteni putem propozicija Takmičenja za 2018/2019 godinu, snositi će novčanu kaznu u visini jedne akreditacije koja iznosi 30KM tj. Snositi će novčanu kaznu za one akreditacije koje nema tj. 30KM po akreditaciji.

Za klubove Prve i Druge lige NS FBiH vrijede akreditacije sa viših nivoa, koji budu upisani u zapisnik utakmice i koji budu sjedili na klupi i na utakmici obavljali dužnost Komesara za bezbjednost, službenog predstavnika, fizioterapeuta i doktora što će NS USK-a provjeriti njihove iskaznice putem Comet sistema da li su validne).

Klub koji nema licenciranog trenera i koji nije upisao kurs za sticanje C nacionalna, B, A, i PRO licence i koji nije iste produžio na seminaru trenera za takmičarsku 2018/2019 godinu, biće kažnjen sa 50KM za svaku utakmicu za koju ne bude imao trenera na klupi.

DRESOVI:

Član 19.

Klubovi moraju poštivati boju sportske opreme kluba protivnika, koje su prije početka prventva prijavljene u Sekretarijat saveza i objavljene u biltenu NS FBiH.

Timovi na jednoj utakmici ne mogu igrati u istim ili sličnim bojama sportske opreme. U slučaju da se podudara boja opreme kod dva tima dresove će promijeniti domaća (prvoimenovana) ekipa, a delegat utakmice je obavezan prijaviti tim zanemarivanja boje sportske opreme a klub će snositi disciplinsku odgovornost.

Brojevi na dresovima moraju odgovarati onima na popisu igrača u zapisniku o utakmici. Ako su dresovi prugasti ili šareni, brojevi moraju biti na jednobojnoj podlozi. Za vrijeme odigravanja utakmice igrači na poleđini dresova moraju imati vidljive brojeve propisane veličine.

Delegat i glavni sudac utakmice na organizacionom sastanku izvršit će provjeru cjelokupne opreme timova i sudaca te odobriti boju sportske opreme za utakmicu.

REGISTRACIJA UTAKMICA

Član 20.

Komesar za takmičenje vrši registraciju odigranih utakmica najkasnije u roku od 21 /dvadesetjedan/ dan od dana odigravanja utakmice te vrši registraciju neodigranih i prekinutih utakmica u skladu sa važećim propisima i svoje odluke objavljuje u službenom biltenu i na internet stranici Saveza.

Ako je uložena žalba ,rok za registraciju utakmice produžava se do konačne odluke.
Ako na utakmicu nije uložena žalba,a ne postoje uvjeti za registraciju po službenoj dužnosti sa 3:0 / par-forfe /,utakmica se registruje postignutim rezultatom.
Ako je prvostepena odluka pravosnažna ili je donesena drugostepena odluka koja je konačna,jednom registrovana utakmica ne može biti poništena,izuzev u postupku pred Izvršnim odborom NS USK-a.

NEDOLAZAK NA UTAKMICE,NEODIGRAVANJE,PREKID UTAKMICE I NENASTUPANJE RADI SUSPENZIJE

Član 21.

Protiv kluba koji ne nastupi na prvenstvenoj utakmici,koji izazove prekid utakmice,napusti teren ili ne nastupi zbog suspenzije,postupit će se prema odredbama Pravilnika o nogometnim/fudbalskim takmičenjima NS/FS BiH i Disciplinskog pravilnika NS/FS BiH.

Ove odredbe primjenjivat će se i protiv igrača,ukoliko učine prekršaj iz predhodnog stava.

Klub koji se ne opravdano ne pojavi na utakmici, dužan je drugom klubu isplatiti troškove koje je klub imao za organizaciju utakmice u fiksnom iznosu od 50,00 KM po jednoj selekciji, isti je u obavezu uplatiti na žiroračun kluba koji je oštećen u roku od 48 sati i dostaviti peti primjerak uplatnice delegatu na slijedećoj utakmici u suprotnom neće moći igrati utakmice zbog automatske suspenzije.

Ako u roku od 15 /petnest/ minuta od određenog vremena za početak utakmice stalnog takmičenja jedan tim ne nastupi sa potrebnim brojem igrača sudija će saopštiti kapitenu tima koji je nastupio da se utakmica neće odigrati i to će upisati u zapisnik.

Izuzetno,u slučajevima da klub nije mogao da nastupi usljed više sile,sudija će sačekati i nešto duže ali će voditi računa o tome da utakmica može da se završi na vrijeme.

Ukoliko je utakmica prekinuta iz razloga više sile,a prije isteka 80% regularnog vremena ili nije odigrana,utakmica će se odigrati narednog dana u isto vrijeme,a ako se ne može odigrati ni narednog dana,takmičarski organ će utvrditi novi termin za odigravanje utakmice.

Ekipa koja prvi put u toku Takmičarske godine neopravdano neodigra ili ne ode na utakmicu gubi istu službenim rezultatom 3:0 ,te se kažnjava oduzimanjem 3 (tri) boda.

Ekipa koja drugi put u toku Takmičarske godine neopravdano neodigra ili ne ode na utakmicu, smatrat će se da je klub odustao od takmičenja u rangu takmičenja u kojem nastupa sa tom selekcijom, ako usljed svoje krivice nije odigrao 2 (dvije) utakmice u toku takmičarske godine kažnjava se novčanom kaznom u iznosu od 700,00 KM i snositi će disciplinske sankcije shodno Disciplinskom Pravilniku NS/FS BIH.

Klub koji se prijavi u takmičenje za Takmičarsku 2018/2019 godinu, a nakon obavljenog žrijeba, svojom krivicom odustane od takmičenja ili u toku takmičarske sezone 2018/2019 godine samo inicijativno odustane od daljnjeg takmičenja , kažnjava se novčanom kaznom u iznosu od 1.000,00 KM.

DISCIPLINSKE ODREDBE

Član 22.

O disciplinskim prekršajima igrača,službenih predstavnika (trener,fizioterapeut, zvanični predstavnik kluba,komesar za bezbjednost/ i klubova koji učestvuju u takmičenju odlučuje se na osnovu Disciplinskog pravilnika NS/FS BiH i posebnih odluka IO NS USK-a.

Prvostepene odluke o disciplinskim prekršajima donosi nadležni Disciplinski sudija NS USK-a u roku od 8 /osam / dana po odigranoj utakmici,odnosno podnesenoj prijavi.

Drugostepene odluke po žalbama na odluke disciplinskog sudije NS USK-a donosi Apelaciona komisija,a žalba ovom organu podnosi se u roku od 8 (osam) dana nakon prijema pismene prvostepene odluke putem prvostepenog organa.

Drugostepeni organ će svoje odluke donijeti u roku od 8 (osam) dana računajući od dana prijema žalbe.

Protiv odluke drugostepenog organa, može se podnijeti zahtjev za zaštitu zakonitosti, Izvršnom odboru nogometnog saveza Unsko-Sanskog kantona u roku od osam (8) dana od dana prijema odluke drugostepenog organa.

Automatska kazna zabrane igranja jedne prvenstvene ili kup utakmice nastaje poslije svake 3 (treće) javne opomene koju igrač dobije na prvenstvenoj ili kup utakmici u toku jedne takmičarske godine,a automatski prestaje poslije prvenstvene ili kup utakmice na kojoj je igrač morao da pauzira pa i u slučaju nastupa igrača pod automatskom kaznom na toj utakmici.

Javne opomene (žuti) kartoni radi koji je igrač dobio crveni karton ne evidentiraju se,evidentira se samo crveni karton.

Svi klubovi NS USK-a obavezni su da svoje igrače koji su pozvani u jednu od Reprezentacija NS USK-a (Predpioniri, Pioniri, Kadeti, Juniori, Seniori i KUP Regija) da moraju se odazvati na službeni poziv ispred NS USK-a, u suprotnom će snositi sankcije i kaznu od 500,00 KM.

UTVRĐIVANJE PLASMANA

Član 23.

Plasman klubova utvrđuje se prema odredbama Pravilnika o nogometnim takmičenjima/ natjecanjima Nogometnog/fudbalskog saveza BiH.

Nogometni savez USK-a će organizirati Finalnu utakmicu za prvaka NS USK-a u kategoriji Pretpioniri i Pioniri na kojoj će učestvovati prvoplasirane ekipe iz grupa "I" i "II" koje se takmiče u Omladinskoj ligi NS USK-a.

Finalne utakmice za Prvaka NS USK-a u kategoriji Pretpionira i Pionira odigraće se u Sanskom Most na stadinu NK"Podgrmeč" Sanski Most, organizacija Finalnih utakmica za Prvaka NS USK-a u kategoriji Pretpionira i Pionira pripada NK"Podgrmeč" Sanski Most.

ŽALBE:

Član 24.

Najave žalbe na odigranu utakmicu u pismenoj formi, dostavlja se u roku od 24 sata po odigranoj utakmici, a žalba sa obrazloženjem i dokazom u uplaćenju taksu dostavlja se u roku od 48 sati po odigranoj utakmici. Ukoliko rok za žalbu ističe u nedjelju ili na državni praznik, rok se produžava za naredna 24 sata.

Žalba se podnosi organu koji rukovodi takmičenjem.

Žalba na odluku rukovodioca takmičenja i odluku disciplinskog sudije podnosi se Apelacionoj komisiji NS USK-a uz uplatu propisane takse.

POSEBNE ODREDBE

Član 25.

Taksa na žalbe po bilo kojem osnovu iz Propozicija za klubove članove NS USK-a i pojedince uplaćuje se na žiro račun NS USK-a broj: 338-500-22005184-45 Unicredit Zagrebačka banka.

Član 26.

Učesnicima Finalne utakmice prvenstva prvaku i drugoplasiranoj ekipi dodjeljuju se pehari u trajno vlasništvo i medalje, na prijedlog Komisije za takmičenje Izvršni odbor NS USK-a može dodijeliti i druga priznanja i nagrade.

POPUNJAVANJE LIGE

Član 27.

Popunjavanje Omladinske lige kantona vrši se uključivanjem novoformiranih članova primljenih od strane Skupštine NS USK-a ili aktiviranjem ranije postojećeg kluba koji je primljen u članstvo NS USK-a od strane Skupštine NS USK-a i koji nema Finansijskih dugovanja prema NS USK-a iz ranijeg perioda ili je iste izmirio prije početka Takmičarske sezone 2018/2019 godine.

PRELAZNE I ZAVRŠNE ODREDBE:

Član 28.

Za sve što nije predviđeno ovim Propozicijama, primjenjivat će se Pravilnik o nogometnim/fudbalskim takmičenjima NS/FS BiH, ostali propisi NS/FS BiH i Pravila nogometne/fudbalske igre.

Član 29.

Izmijene i dopune ovih Propozicija vrše se prema istom postupku, kao i njihovo donošenje.

Član 30.

Propozicije stupaju na snagu danom donošenja, a objavljuju se na službenoj Web stranici NS USK-a